

## **BASES PARA A CONCESIÓN DE BOLSAS A DEPORTISTAS INDIVIDUAIS DO CONCELLO DE TABOADA TEMPADA 2018 - 2019**

### **1. OBXECTO**

O obxecto das presentes bases é regular o procedemento mediante concorrencia competitiva, de axudas económicas a deportistas individuais do Concello de Taboada que, como mínimo, teñan participado no Campionato de España propio da modalidade deportiva durante o período obxecto da presente convocatoria.

Terán a consideración de deporte de carácter individual todos aqueles deportes que, segundo a súa regulamentación, son practicados de xeito individual. En todo caso, non se considerarán participacións individuais os relevos nin as probas coordinadas ou sincronizadas nas que actúe simultaneamente máis dun integrante do mesmo equipo.

### **2. ÁMBITO TEMPORAL DE APLICACIÓN**

As persoas solicitantes poderán presentar, no marco desta convocatoria, os méritos deportivos conseguidos entre o 1 de febreiro de 2018 e o 31 de xaneiro de 2019.

### **3. PERSOAS BENEFICIARIAS**

Poderán beneficiarse desta convocatoria os/as deportistas que cumpran os seguintes requisitos:

1. Que estean empadroados/as no Concello de Taboada dentro do prazo de presentación de solicitudes e, como mínimo, dende o ano 2018.
2. Estar federados nalgunha das federacións deportivas galegas ou españolas no período para o que se solicita a axuda, é dicir, entre o 1 de febreiro de 2018 e o 31 de xaneiro de 2019, e que como mínimo participaran no Campionato de España, Campionato de Europa ou Campionato do Mundo propio da modalidade deportiva.
3. Ter participado, como mínimo, en tres probas ou campionatos de carácter oficial, dos cales un deles ten que ser o Campionato de España, Campionato de Europa ou Campionato do Mundo propio da modalidade deportiva.
4. Estar ó corrente nas obrigas tributarias coa Facenda estatal e autonómica, así como estar ó corrente das obrigas coa Seguridade Social e co Concello de Taboada.
5. Que non estean incurso en ningún dos supostos de incapacidade ou incompatibilidade para a percepción de axudas ou subvencións públicas e non estar incurso/as nalgunha das prohibicións para percibir subvencións recollidas na lei.

#### 4. CRÉDITO ORZAMENTARIO QUE SE ASIGNA E IMPORTE MÁXIMO DAS AXUDAS QUE SE CONVOCAN

O Concello de Taboada destinará a esta convocatoria un crédito total de 500 euros que se imputará á aplicación 341.480.00, prevista no Orzamento de 2018.

O importe máximo da bolsa repartirase por partes iguais entre os que resulten beneficiarios.

#### 5. SOLICITUDE E DOCUMENTACIÓN QUE SE DEBE PRESENTAR

As instancias para participar no procedemento atópanse a disposición dos/as interesados/as na páxina web [www.concellotaboada.es](http://www.concellotaboada.es)

As solicitudes poderán presentarse no rexistro xeral do Concello de Taboadaou, se é o caso, nos rexistros e oficinas a que se refire o artigo 16.4 da Lei 39/2015, de 1 de novembro, do procedemento administrativo común das Administracións Públicas, no prazo de 15 días hábiles dende a publicación da convocatoria no BOP de Lugo.

A documentación que se debe presentar é a seguinte:

1. Modelo de solicitude anexo I.
2. Memoria deportiva durante o período obxecto da presente convocatoria que como mínimo conteña os campionatos oficiais nos que participou o/a deportista así como o lugar e data de realización e os resultados conseguidos. Como mínimo ten que ter participado en tres campionatos de carácter oficial, dos cales un debe ser o Campionato de España, Campionato de Europa ou Campionato do Mundo propio da modalidade deportiva.
3. Fotocopia cotexada do DNI do/a solicitante. No caso de ser menor de idade DNI do pai, nai ou titor/a e libro de familia.
4. Certificado de Empadramento do solicitante.
5. Certificado federativo que acredite a posesión da correspondente licenza federativa durante o período de tempo obxecto da presente solicitude e a categoría de idade na que participou durante a tempada obxecto da solicitude (Absoluta, júnior, cadete, infantil, etc.).
6. Certificado da conta bancaria a nome do/a deportista, ou do pai, nai, titor/a en caso de que o/a deportista non posúa conta bancaria.
7. Declaración doutras axudas e subvencións para a mesma finalidade, declaración de atoparse ó corrente das obrigas tributarias coa Facenda Estatal e Autonómica, coa Seguridade Social e co Concello de Taboada, e declaración de que o/a deportista non está incurso en prohibicións para obter a condición de



beneficiario/a da subvención conforme ó disposto na lei 38/2003 Xeral de Subvencións. Anexo II

8. Certificación expedida pola federación correspondente, dos resultados obtidos polo/a solicitante no período comprendido entre o 1 de febreiro de 2018 e o 31 de xaneiro de 2019. O referido certificado deberá reflectir a consideración oficial da proba, as probas disputadas e a súa categoría e nivel, así como os resultados conseguidos.
9. De ser o caso, certificación expedida pola federación correspondente da condición de deportista seleccionado pola selección galega ou estatal así como indicación dos campionatos para os que o/a deportista foi seleccionado/a.

Estas axudas serán compatibles coas concedidas por outras administracións ou entidades privadas.

## 6. CRITERIOS DE VALORACIÓN

Os resultados a valorar deberán cingirse exclusivamente á modalidade deportiva para a que se solicita a axuda, na que o/a deportista teña a correspondente licenza federativa. Valorarase a participación en campionatos oficiais no período que vai dende o 1 de febreiro de 2018 e o 31 de xaneiro de 2019, así como a convocatoria por parte da selección galega e/ou estatal nese mesmo período (á hora de facer a valoración terase en conta a convocatoria coa selección de máis nivel).

Á hora de realizar a valoración teranse en conta os tres mellores resultados conseguidos en competicións oficiais segundo a táboa de valoración establecida, así como a convocatoria no período pola selección galega ou estatal. Enténdese por competicións oficiais as consideradas como tal pola Federación Deportiva correspondente ou pola Administración deportiva dentro do seu ámbito competencial.

POSTO	Campionato do mundo	Campionato de Europa	Campionato de España	Campionato Galego	Probas estatais ou internacionais de carácter oficial	Ser convocado coa Selección Española	Ser convocado coa Selección Galega
1º	25	20	15	10	5	15	7,5
2º	24	19	14	9	4,5		
3º	23	18	13	8	4		
4º	22	17	12	7	3,5		
5º	21	16	11	6	3		
6º	20	15	10	5	2,5		
7º	19	14	9	4	2		
8º	18	13	8	3	1,5		
9º	17	12	7	2	1		
10º	16	11	6	1	-		
Participación a partir do undécimo posto	15	10	5	-	-		
Especialidade deportiva Olímpica	5						



CATEGORÍA DO DEPORTISTA	
Absoluto	15
Júnior	12
Xuvenil	9
Cadete	6
Infantil ou categoría inferior	3

A puntuación por modalidade e especialidade olímpica concederáse no caso de que un dos tres mellores resultados a valorar sexa de especialidade olímpica.

A puntuación obtida determinará o importe total da bolsa que se outorgará segundo o seguinte criterio de reparto: o importe do crédito total asignado a esta convocatoria (500,00 euros) dividirase entre a suma do total de puntos asignados na valoración das persoas solicitantes, de cuxo cálculo se obterá o valor de cada punto. O importe da bolsa será o resultado de multiplicar, para cada solicitante, os puntos obtidos na valoración polo valor do punto, ata un máximo de 250,00 €.

No caso de que o número de solicitudes supoña que, á hora de facer o cálculo, o importe a percibir por parte dos beneficiarios sexa superior ó límite establecido (250,00 €), a forma de reparto será a seguinte: ó/á deportista con maior puntuación concederánselle 250,00 € (cantidade límite establecida por beneficiario) e ó resto de deportistas concederánselle a cantidade proporcional en relación á puntuación conseguida segundo os criterios de valoración.

Por outra banda, todo o crédito para esta bolsa será invertido nos deportistas que presenten solicitude, de xeito que unha vez se lles asigne a cantidade obtida polo baremo anterior, o crédito sobrante, de existir, repartirase de forma proporcional entre todos os solicitantes, correspondendolle ao primeiro clasificado o 40% do crédito, e o resto asignarase de xeito proporcional ao número de clasificados que haxa.

## 7. PROCEDEMENTO DE CONCESIÓN

A instrución do procedemento corresponderalle á Alcaldía do Concello de Taboada que realizará de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución de acordo co informe de valoración emitido pola Comisión de valoración.

Conforme ao establecido no artigo 21 da Lei 9/2007, do 13 de xuño, crearase unha comisión de valoración que será o órgano colexiado encargado de realizar a selección das solicitudes e de emitir o correspondente informe no cal se concrete o resultado da avaliación efectuada no caso daquelas susceptibles de someterse a un réxime de concorrencia competitiva, indicando a puntuación e a axuda aplicable en cada caso. A comisión de valoración estará formada por:

- Presidente: Concelleiro de Deportes
- Vogais: Concelleiro de Cultura
- Secretario/a, con voz pero sen voto: funcionario do Concello de Taboada.



En caso de ausencia dalgún membro da comisión de valoración, este será substituído pola persoa designada polo presidente.

A Comisión, logo de avaliadas as solicitudes, á vista da dispoñibilidade orzamentaria e de acordo cos criterios de valoración previstos na convocatoria, realizará un informe -proposta no que se concretará o resultado da valoración efectuada, a relación dos/as solicitantes para as que se propón a concesión da subvención coa súa contía e, no caso das excluídas, o motivo de exclusión.

A Alcaldía será o órgano competente para resolver. A proposta de resolución deberá expresar a relación de solicitantes aos que se propón conceder a subvención con especificación da contía da bolsa proposta para cada un deles, especificación dos criterios seguidos, xunto coa súa valoración e de ser o caso, causas da desestimación de solicitudes presentadas ou da denegación de axudas solicitadas.

A resolución será motivada e conterá, ademais do solicitante ou relación de solicitantes aos que se lles concede a bolsa, a desestimación do resto das solicitudes.

A resolución do procedemento notificaráselles aos interesados conforme ao previsto no artigo 40 da Lei 39/2015, de 1 de outubro, do Procedemento Común das Administracións Públicas.

O prazo máximo para resolver e notificar ós interesados a resolución do procedemento será ata o 31 de decembro de 2019. Transcorrido este prazo sen que os interesados obteñan resposta expresa á súa solicitude, entenderase desestimada a petición.

#### **8. OBRIGAS DOS/DAS BEFECIARIOS/AS:**

- a. Responder ante o Concello de Taboadada veracidade dos datos achegados na solicitude.
- b. Facilitar a información que lles sexa requirida polo Concello de Taboada no exercicio das funcións de fiscalización e control de destino das referidas bolsas.
- c. Atoparse ó corrente no cumprimento das súas obrigas tributarias coa Facenda Estatal e Autonómica así como coa Seguridade Social e co Concello de Taboada.
- d. Comunicar ó Concello de Taboada a obtención doutras axudas, ingresos ou recursos que financien o mesmo proxecto.



Cod. Validación: 72EKYSN7ERZ5KHGTMJNGJLJQ | Conexión: <http://taboada.sedelectronica.gal/>  
Documento asinado electronicamente desde a plataforma xestiona esPublico | Páxina 6 a 9

- e. Lucir o logotipo do Excmo. Concello de Taboada na súa indumentaria ou en calquera outro elemento susceptible de portar imaxe.
- f. A percepción destas bolsas atópase suxeita á Lei do Imposto sobre a Renda das Persoas Físicas, sen que se atope en suposto de exención.

## 9. PAGAMENTO DAS BOLSAS

Unha vez resolto o procedemento por parte da Alcaldía, o pago da bolsa a cada un/unha dos/das beneficiarios/as realizarase mediante transferencia bancaria á conta indicada na solicitude.

## 10. RECURSOS

As resolucións expresas ou presuntas que se diten ao abeiro da presente convocatoria poñerán fin á vía administrativa e contra elas poderá interpoñerse recurso potestativo de reposición ante o mesmo órgano que as ditou, no prazo dun mes contado a partir da notificación da resolución, se esta fose expresa, ou de tres meses a partir do día seguinte a aquel en que se produza o acto presunto, ou ben directamente recurso contencioso administrativo no prazo de dous meses, perante Xulgado do Contencioso-Administrativo de Lugo.

## 11. RÉXIME XURÍDICO

De conformidade coa disposición adicional quinta da Lei Xeral de Subvencións, o réxime xurídico será conforme, no que resulte aplicable, á Lei 38/2003 de 17 de novembro Xeral de Subvencións, Real Decreto 887/2006 de 21 de xullo polo que se aproba o Regulamento da Lei de Subvencións e demais normas concordantes.

Taboada, na data da sinatura electrónica.

O Alcalde

Ramiro Moure Ansoar



## ANEXO I (SOLICITUDE)

### DATOS DO SOLICITANTE

NOME E APELIDOS	
DATA DE NACEMENTO	
DNI NÚMERO	
ESPECIALIDADE	
FEDERACIÓN	

### ENDEREZO PARA OS EFECTOS DE COMUNICACIÓN

RÚA/PRAZA:		Nº:	PISO:
CP	LOCALIDADE:		
CONCELLO:		PROVINCIA:	
TELÉFONOS:			
CORREO ELÉCTRONICO:			

### DATOS DO TITOR/A

(No caso de que o/a solicitante sexa menor de idade)

NOME E APELIDOS	
D.N.I. NÚMERO	

### ENDEREZO PARA OS EFECTOS DE COMUNICACIÓN

(Cubrir no caso de que sexa diferente aos do/da solicitante)

RÚA/PRAZA:		Nº:	PISO:
C.P.	LOCALIDADE:		
CONCELLO:		PROVINCIA:	
TELÉFONOS:			
CORREO ELÉCTRONICO:			

### EXPÓN:

Que tendo coñecemento da convocatoria de bolsas a deportistas individuais do Concello de Taboada tempada 2018 - 2019.

Que reunidas as condicións establecidas para poder participar na convocatoria

### SOLICITA:

A concesión dunha bolsa pola participación en campionatos deportivos de carácter oficial na especialidade deportiva de \_\_\_\_\_, durante a tempada 2018 - 2019.

\_\_\_\_\_, \_\_\_\_\_ de \_\_\_\_\_ de 2019

Asdo. O interesado/a

Asdo. O titor/a





# Concello de TABOADA

Praza do Xeneral Muínelo s/n  
27.550 Taboada - Lugo  
Teléfono: 982 46 53 01. Fax: 982 46 50  
89  
e-mail: concello.taboada@eldolocal.es

## ANEXO II

### DECLARACIÓN

### XURADA

O/A  
interesado/a

D./D<sup>a</sup> \_\_\_\_\_ con DNI \_\_\_\_\_

O/A titor/a no caso de ser preciso

D./D<sup>a</sup> \_\_\_\_\_ con DNI \_\_\_\_\_

### DECLARA BAIXO XURAMENTO QUE:

1. Son beneficiario/a doutra/s axuda/s por parte de entes públicos ou privados para o mesmo proxecto ou actividade:

- Non percibo outra axuda para o mesmo proxecto ou actividade
- Percibo axuda/s para o mesmo proxecto ou actividade por importe de \_\_\_\_\_

2. Que non teño débedas coa Facenda Estatal e Autonómica así como coa Seguridade Social e o Concello de Taboada.
3. Que non me atopo en ningún dos supostos que impiden obtela condición de beneficiario de subvencións por parte das Administracións Públicas recollidos no art. 13 da lei 38/2003 Xeral de Subvencións.



Cod. Validación: 72EKYSN7ERZ5KHGTMJNGJLQ | Corrección: http://taboada.sedelectronica.gal/  
Documento asinado electronicamente desde a plataforma xestiona esPublico | Páxina 8 a 9





# Concello de **TABOADA**

Praza do Xeneral Muínelo s/n  
27.550 Taboada - Lugo  
Teléfono: 982 46 53 01. Fax: 982 46 50  
89  
e-mail: [concello.taboada@eidolocal.es](mailto:concello.taboada@eidolocal.es)

\_\_\_\_\_ de \_\_\_\_\_ de 2019

Asdo. O interesado/a

Asdo. O titor/a



Cod. Validación: 7ZEKYSN7ERZSKHHGTMJNGLTJQ | Corrección: <http://taboada.sedelectronica.gal/>  
Documento asinado electronicamente desde a plataforma xestiona esp-ublico | Páxina 9 a 9